

GO DIRA GORE BATSADI BA NNE LE SEABE MO THULAGANYONG YA THUTO

Mo maiilamong a rona a a tswelletseng go tokafatsa thuto, re itumeletse go abelana ka katlego ya lenaneo la rona la "Go Dira Gore Batsadi ba Nne le Seabe mo Thulaganyong ya Thuto" (BPET). Barutabana ba le lesome le borobongwe ba ba ineetseng ba ne ba katise diwa go nna bommampodi ba barutabana, ba etelela pele dihutano tse tlhano tsa BPET tse di nang le tlhotlheletso. Ka palogare ya batsadi ba le 165 ba ba neng ba le teng mo lenaneong lengwe le lengwe le mo molefelong wa go neela ditifikeiti o o neng wa latela, lenaneo leno le itshupile e le mosola

Lenaneo la BPET, le le neng la konosedwa ka kgwedi ya Phatwe ka moletlo o o sa lebalesegeng wa go abelwa dikgele, le diretswe go oketsa seabe sa batsadi mo thutong ya bana ba bone; go tokafatsa dikamano tsa barutabana le batsadi; le go tokafatsa bokgoni jwa baithuti mo dithutong. E naya batsadi tshedimosetso e e botlhokwa le bokgoni jo ba ka bo dirisang kwa gae go godisa bana ba ba itekanetseng, ba ba itumetseng le ba ba atlegileng.



Mongwe wa barutabana kwa Sekolong se se Potlana sa Deben o ne a bolela jaana, "Go ne go na le tirisanommogo e e molemo gareng ga barutabana botlhe mo lenaneong leno. 'Tanka ya maikutlo' e dirile maikutlo a a tswelletseng mo botshelong jwa me jaaka morutabana jaaka ke tlatsa ditanka tsa baithuti letsatsi le letsatsi mo phaposing ya me, mme ka gone ke lemogile botlhokwa jwa firo e, jaanong ke na le phaposi e e itumetseng. Batsadi le bone ba dirisa se ba se ithutleng kwa dithutanong tšeno kwa gae, mme ba kgona go bona pharologano e e leng teng mo matshelong a bana ba bone."



LENANEO LA GO ITHUTELA TIRONG

Mo kotareng ya 3, re tlhomile lenaneo la dikgwedi di le 18 la Boithutelatirong mo Ditirong tsa Setšhaba, mme jaaka karolo ya maiteko ano, Christopher Teleko o ne a thapiwa go nna Moithutelatirong wa Motlhankedi wa Ditiro tsa Setšhaba, yo o leng kwa kantong ya rona ya selegae ya Kathu.

Mo tirong ya gagwe, Christopher o tla nna le kitso e e tla mo kgontshang go nna le seabe mo go tlhabololeng le go tšhegetsatsa maiteko a REISA Solar a go tlhabolola setšhaba.

"Ke motho yo mošwa yo o nang le maitlamo a a siameng, yo o matlhaga tlhaga yo o kgatlhegelang setšhaba. Ke na le tumelo e e nonofileng ya gore ka maitemogelo a ke a boneng mo dingwageng tse di fetileng, ke tla nna le mosola mo Baaging ba Gamagara. Ke itumeletse tšhono eno ka gone ke tšile go ithuta go le gontsi ka tlhabololo ya setšhaba mo tikologong e e atolositšweng le go kopana le dikgwetlho le dišhono tse dintšhwa", **Christopher a rialo.**

THULAGANYO YA KGWEDI YA BASADI: LENANEO LA TLHABOLOLO YA KATISO YA BOKGONI JWA GO BAKA

Go tlotla Kgwedi ya Basadi, re ne ra tshegetsa lenaneo la katiso ya go baka le le neng le diretswe go thusa le go maatlafatsa basadi mo motseng wa Mapoteng.

Basadi ba le lesome ba ba tlhageletseng kwa pele ba ne ba solegelwa molemo ke letsholo leno, le le neng le dirwa ka tirisanommogo le Setlhophha sa Maatlafatso ya Basadi ba Mapoteng. Tirisanommogo eno e batla go maatlafatsa basadi ka go nna bagwebi, katiso ya thuto, tlhabololo ya bokgoni le go tlhola ditiro.



TOKAFATSO YA METSHAMEKO

Re tlhaganya botlhokwa jwa tlhabololo ya metshameko mo baaging ba rona ba selegae mme go tshegetsa seno, re thusitse Setlhophha sa Diatleletiki sa Sesheng ka dipalangwa go tsenela marathone wa Motse Kapa mme ra tlamela ka dikipa tsa maina go batabogi ba le 15.

Setlhophha sa Diatleletiki sa Sesheng se ne sa tlhomiwa go rotloetsa mokgwa wa botshelo o o itekanetseng ka go taboga le go tsamaya mo motseng wa Kathu le mo mafelong a a mabapi, mmogo le go rotloetsa tlhabololo ya batabogi ba maemo a kwa godimo.


"Tshegetso eno e supa gore re ikemiseditse go rotloetsa setšhaba se se itekanetseng le se se matlhagatlhaga. Go beeletsa mo tlhabololong ya metshameko go ka thusa go kopanya baagi mme go nna le seabe mo metshamekong go naya maloko a setšhaba boikutlo jwa go nna le maikaelelo le go nna le seabe." – **Shariefa Rhode, Motsamaisi wa Ditiro tsa Setšhaba wa REISA Solar.**

DIKOPANO TSA BAAGI

Dintlha ka ga dikgokagano tsa baagi tse di latelang di tla buisanelwa mo dipalateforomong tsa REISA tsa mo moweng gonne dikopano tsa sebele di sa letlelelwa mo nakong e ya taolo ya motsamoo ya bosefšhaba.

Kgato ka kgato ya ED e e Diritsweng ka Kotara

- Tlhabololo ya Kgwebo
- Thuto
- Tlhabololo ya Bokgoni jwa Bašwa
- Katlaatllelo



GOLAGANYA LE RONA

REISAccommunity

Dynlog Management Development Building
Block B, Ground Floor, Office 1
Kameeldoring Business Zone, Kathu, 8446

Diura tsa Tiro:

Monday – Thursday: 08:00 – 16:30
Friday: 08:00 – 15:00
Office | 053 723 1146

Community Liaison Officer

Shariefa Rhode
Office: +27 (0) 21 670 1400
Cell: +27 (0) 83 678 2498
shariefa.rhode@eimsafrica.com